

Lesona 11 hatao ny 16 Martsa, 2024

MANIRY FATRATRA AN'ANDRIAMANITRA ANY ZIONA



**"Manina sady
vonton'alahelo
ny kianjan'i
Jehovah ny
fanahiko; ny
foko sy ny
nofoko mihoby
an' Andriamani
tra velona"**

(Salamo 84:2)



Ziona no anaran'ilay tendrombohitra misy an'i Jebosa (Jerosalema), izay fantatra koa amin'ny anarana hoe Ziona. Hatramin'ny namaboan'i Davida azy, dia nantsoina hoe "Tanànan'i Davida" i Ziona (2 Sam. 5:6–7). Rehefa nandeha ny fotoana, dia nampiasaina hilazana ny tanànan'i Jerosalema manontolo (anisan'izany ny faritry ny Tempoly) na ny vahoakan'i Israely manontolo mihitsy aza ny anarana Ziona (Sal. 48:2; 126:1).

Voatonona in-38 i Ziona ao amin'ny Salamo. Misongadina amin'ny maha fonenan'Andriamanitra azy izy, dia toerana handefasany famonjena (Sal. 9:11; 14:7; 20:2).

Raha te hihaona amin'Andriamanitra isika, dia andeha ho any Ziona (Sal. 84:7). Any no andraisan'Andriamanitra ny fiderana (Sal. 9:11; 65:1). Ao no hiarahan'ny voavotra amin'ny Zanak'ondry (Apok. 14:1).



- ➡ Ny kianjan'i Ziona (Salamo 84).
- ➡ Ny fiadanan'i Ziona (Salamo 122).
- ➡ Ireo teraka ao Ziona (Salamo 87).
- ➡ Ny fialofana ao Ziona (Salamo 46).
- ➡ Ziona, tendrombohitra tsy mihetsika (Salamo 125).

NY KIANJAN'I ZIONA

Salomo 84

"Manina sady vonton'alahelo ny kianjan'i Jehovah ny fanahiko; ny foko sy ny nofoko mihoby an'Andriamanitra velona" (Salomo 84:2)

Iza no mankeo an-kianjan'i Ziona?

Salamo 84:
1-2, 10

Ireo izay manina
azy

Salamo 84:3

Ny kely sy ny
lehibe, ny
ambony sy ny
manetry tena

Iza no faly ao?

Salamo 84:4

Ireo izay miasa
ny
asan'Andriamanitra

Salamo 84:5,
12

Ireo izay matoky
an'Andriamanitra
sy te hanaraka
Azy

Ahoana ny fihetsik'ireo
izay mandeha ao?

Salamo 84:6

Manova ny
alahelo ho
fitahiana izy

Salamo 84:7

Mitombo hery
isan'andro izy

Koa satria tsy misy olombelona afaka
mitoetra ara-bakiteny ao an-kianjan'i Ziona
(fonenan'Andriamanitra any an-danitra),
dia nomen'ny Tompo antsika ny vavaka
mba hiresahana Aminy sy hanehoantsika
ny fangatahantsika (Salamo 84:8-9).



Mamaly ny vavaka ataontsika
Andriamanitra ary ho
"masoandro" ho antsika – izay
hamirapiroatan'ny fitahiana ny
taranany– sy ampinga
fiarovana (Salamo 84:11).

NY FIADANAN'I ZIONA

"Mangataha fiadanana ho an'i Jerosalema: Hambinina anie izay tia anao" (Salamo 122:6)

Ny Salamo 122 dia anisan'ireo salamo antsoina hoe "ambaratonga", "fiakarana", na "fivahinianana". Nohiraina izy ireo rehefa mankany Jerosalema ireo andian'olona mpanao fivahinianana masina hankalaza ny fety fanao isan-taona.

Rehefa miakatra ny Tendrombohitra Ziona ireo mpanao fivahinianana masina, dia mihorakoraka fiderana amim-pifaliana manao hoe: "Ny tongotray efa mijoro eo anatin'ny vavahadinao, ry Jerosalema ô!" (Sal. 122:2).

Rehefa miakatra ho any Ziona izy ireo, dia samy midera an'Andriamanitra ny olona rehetra (Sal. 122:4). Fotoana handaminana ny raharaha-pitsarana sy hikatsahana ny rariny koa izany (Sal. 122:5).



Fa ny tena misongadina ao amin'ny Salamo 122 dia ny vavaka ho an'ny fiadanana:

Fiadanana ho amin'ny fanambinana (Sal. 122:6)

Fiadanana ho amin'ny fitsaharana (Sal. 122:7)


Fiadanana ho amin'ny fiainana mirindra (Sal. 122:8)

Izay mifaly amin'ny fihaonany amin'Andriamanitra dia hitady izay hahasoa ny fiangonany (Sal. 122:9).



IREO TERAKA AO ZIIONA

“Ary Ziona hilazana hoe: “Ireto sy ireroa samy efa teraka teo; ary ny Avo Indrindra no mampitoetra azy”
(Salamo 87:5)



Salamo 87:1-3 → Mihoatra ny tendrombohitra rehetra i Ziona

Taloha, dia nanendry toerana manokana hivorian'ny olona hivavaka Andriamanitra. Anisan'ireny toerana ireny i Silo, nefo tsy maintsy noravana izy noho ny faharatsiany (Sal. 78:58-60; Jer. 7:12).

Taorian'ny nahavitan'ny Tempoly, dia nanodidina ny Tendrombohitra Moria i Ziona. Tsy misy toerana tsara kokoa afaka mampianatra ny drafity ny Fanavotana noho io. Noho izany, dia “zava-malaza no anambarana anao, ry tanànan’Andriamanitra” (Sal. 87:3).

Salamo 87:4-6 → Ny zanakalahy sy ny zanakavavin'i Ziona

Ny famonjena avy ao Ziona dia manintona ny olona avy amin'ny firenena rehetra. Izay rehetra manaiky izany famonjena izany dia voasoratra ho teraka tao Ziona.

Salamo 87:7 → Ny loharanon'ny aingam-panahy rehetra

Mipololotra ny fiderana rehefa mieritreritra an'i Ziona.

Ny Tendrombohitra Ziona no ilay vato nendahina tamin'ny tendrombohitra izay mameno ny tany (Dan. 2:44-45). Eo amin'izany tendrombohitra izany no hitoerantsika mandrakizay, dia isika izay nateraka teo (Apok. 14:1)

NY FIALOFANA AO ZIONA

"Jehovah, Tompon'ny maro, no momba antsika; Andriamanitr'i Jakoba no aro ho antsika" (Salamo 46:11)


Manoloana ireo olana mety hiseho manodidina antsika, dia "Andriamanitra no aro sy hery ho antsika; Mpamonjy mora azo indrindra amin'ny fahoriana Izy." (Sal. 46:1).

Ireo tsy mahalala an'Andriamanitra dia manao zavatra tsy am-piheverana izay mahatonga loza sy faharavana ary ady (Sal. 46:2-3, 6). Kanefa Andriamanitra dia manana fahafahana hampitsahatra ireny ady ireny, sy hiasa manoloana ny loza sy ny faharavana (Sal. 46:9).

Toy ny hilazan'ireo andininy momba ny fiarovan'Andriamanitra izay miparitaka manerana ny Salamo 46, dia toy izany koa no anehoan'Andriamanitra etsy sy eroa ny heriny fiarovana (Sal. 48:5, 7-8, 11).

Na izany aza, dia tsy maintsy miandry ny fotoana voafaritra isika, izay hahatonga an'Andriamanitra "hisandratra amin'ny firenen-tsamy hafa Aho, hisandratra amin'ny tany Aho." (Sal. 46:10b).

Mandra-pahatonga an'izany fotoana izany, dia mahazo toky isika fa Andriamanitra, avy ao amin'ny fitoerany masina, no manome antsika ny fiainana (Sal. 46:4), ary mangataka antsika mba hiandry amim-paharetana, hihazona ny firaitsantsika Aminy: "Mitsahara, ka aoka ho fantatrareo fa Izaho no Andriamanitra" (Sal. 46:10a).



ZIONA, TENDROMBOHITRA TSY MIHETSIKA

"Izay matoky an'i Jehovah dia tahaka ny tendrombohitra Ziona, izay tsy mihetsika, fa mitoetra mandrakizay" (Salamo 125:1)

Ny firindran-teny ao amin'ny Salamo 125 dia maneho fampianarana lehibe iray:

Salamo 125:1. Izay matoky an'Andriamanitra dia tsy azo hozongozonina

Salamo 125:2. Manao soa mandrakariva ho an'ny olony Andriamanitra

Salamo 125:3. Tsy hanjaka mandrakariva ny ratsy, aoka isika tsy hitsahatra hatoky

Salamo 125:4. Manao soa mandrakariva ho an'ny olony Andriamanitra

Salamo 125:5. Ho ringana isika, raha tsy matoky intsony

"Fa izay mivily ho amin'ny sakeli-dalana mivilivily dia horoahin'i Jehovah miaraka amin'ny mpanao ratsy anie. Fiadanana anie ho amin'ny Israely." (Sal. 125:5).



“Raha tokana ny maso, raha mitodika any an-danitra izy, dia hameno ny fanahy ny fahazavan’ny lanitra, ary hiseho ho tsinontsinona sy tsy mahasarika ny zav-drehetra eto an-tany. Hiova ny fikasan’ny fo, ary hohenoina ny fananaran’i Jesosy... Hifantoka amin’ny valisoa lehibe mandrakizay ny fisainanao. Ny kasainao rehetra dia hatao mifandraika amin’ny ho avy, fiainana tsy mety maty...Ny fivavahana ara-baiboly dia ho voatenona eo amin’ny fiainanao andavan’andro.”

EGW (God's Amazing Grace, 31 Aogositra)